


von Wulf Wager

## Arm's Italia



Jetzt hemmr grad da Welton-  
drgang übrlebt, ond scho stoht  
die näggschd Kadaschdrof vor  
dr Tür.

Mein Gott, jetzt hemmr denkt,  
dass dr Berlusconi endlich en dr  
Versenkung vrschwonda ischt,  
ond jetzt will der gliftete, haar-  
implantierte alte Stenkr nomole  
als Minischerpräsident von Ita-  
lia a'treta, obwohl mr'n doch  
ersch abgsshossa hot. Des hot'r  
scheint's vergessa. Naja, mit 76  
ka mr scho au mol an Altershei-  
mer erkrankta. Schlemm isch

bloß, dass der alte Sack sich jetzt mit ra 28-jähriga verlobt  
hot. Schlemm deshalb, weil er jetzt a sexy ond hübsche  
knackige Endzwanzigerin hot, aber wega seim Altershei-  
mer nemme woiß, was mr mit so ma Mädle a'fängt.

Wie hot a gscheiter Ma amol gsait: "Zuerst merkt man es  
selbst, dann merken es auch die anderen, und am Schluss  
merken es nur noch die anderen!" Mit faifaziebagze sott  
mr eigentlich sein Ruhestand genießta, mit de Enkelkendr  
spiela, Viertela schlotza, Mittagsschläfle halda ond sich  
aus em politischa Gschäft raushalta. Aber statt dessen be-  
schäftigt sich der italienische Obermacha mit seim über-  
höhta Teschtoschteronspiegel. Neulich hot'r auf em Par-  
teitag von seira Partei an selbr erfondana Witz über sich  
selbscht erzähl: „Habt ihr schon das Ergebnis der neue-  
sten Umfrage gehört, die unter jungen Frauen gemacht  
wurde? Die Frage lautete: Würdet ihr mit Berlusconi schla-  
fen? 70 Prozent haben geantwortet: Warum nicht? Die an-  
deren 30 Prozent haben gesagt: Nicht schon wieder!“

Lieber Gott, verschon die arme Italiener vor so ma Voll-  
pfoschta.

Bis näggschd Johr - An guada Rutsch wensch i Uich!

Ihr

Alle Kolumna zom nochlesa  
ondr: [www.woascht.de](http://www.woascht.de) oder em Facebook em  
Wulf Wager Fanclub.